

ANALISIS TEMATIK NAMA-NAMA TEMPAT DALAM AL-QURAN

THEMATIC ANALYSIS OF PLACE NAMES IN AL-QURAN

Juriah Mohd Amin^{1*}
Fathiah Fathil²

¹Academy of Contemporary Islamic Studies (ACIS), UiTM Perak Branch, Seri Iskandar Campus, Malaysia.
(E-mail: juria876@uitm.edu.my)

²Academy of Contemporary Islamic Studies (ACIS), UiTM Perak Branch, Seri Iskandar Campus, Malaysia.
(E-mail: fathi397@uitm.edu.my)

*corresponding author

Article history

Received date : 22-7-2024
Revised date : 23-7-2024
Accepted date : 15-8-2024
Published date : 30-8-2024

To cite this document:

Mohd Amin, J. & Fathil, F. (2024). Analisis tematik nama-nama tempat dalam Al-Quran. *Journal of Islamic, Social, Economics and Development (JISED)*, 9 (65), 341 -356.

Abstract: *Membaca dan juga mengambil manfaat daripada al-Quran merupakan sebesar-besar rahmat dan nikmat Ilahi kepada umat manusia. Walau bagaimanapun sekadar membaca al-Quran belum memenuhi tuntutan "Iqra' ". Menurut al-Ghazali (1992) membaca al-Quran sebenarnya memerlukan penyertaan lidah, akal dan hati. Lidah membetulkan sebutan huruf dengan tartil, akal memahami makna yang tersirat dan hati mengambil iktibar. Al-Quran banyak memaparkan nama-nama tempat serta kisah umat Nabi terdahulu sama ada secara eksplisit maupun implisit. Justeru kajian dilakukan bertujuan untuk menghasilkan sebuah direktori mengenai nama-nama tempat yang disebutkan dalam al-Quran. Walau bagaimanapun, kajian ini hanya difokuskan kepada nama-nama tempat di atas muka bumi ini sahaja. Untuk mencapai objektif yang digariskan, kajian ini menggunakan metode analisis teks dengan pendekatan kualitatif untuk mengenalpasti dan mengkategorikan nama-nama tempat tersebut berdasarkan lokasi geografi, sejarah, dan konteks penggunaannya dalam ayat-ayat al-Quran. Hasil kajian ini mendapati terdapat dua puluh tujuh nama-nama lokasi yang dikisahkan di dalam al-Quran. Diharapkan hasil kajian ini dapat memberikan panduan yang bermanfaat bagi para pengkaji al-Quran, sejarawan, dan ahli geografi dalam memahami signifikan dan latar belakang sejarah dari tempat-tempat yang disebutkan dalam kitab suci umat Islam. Selain itu, kajian ini juga berfungsi sebagai sumber rujukan yang berguna dalam kajian-kajian lebih lanjut mengenai konteks sosio-historis ayat-ayat al-Quran.*

Keywords: *Al-Quran, Analisis Tematik, Direktori, Lokasi, Mekah*

Abstract: *Reading and also benefiting from the Quran is the greatest mercy and divine favor to mankind. However, simply reading the Quran has not fulfilled the claims of "Iqra' ". According to al-Ghazali (1992) reading the Quran actually requires the inclusion of the tongue, mind and heart. The tongue corrects the pronunciation of letters with tartils, the mind understands the implied meaning and the heart takes action. The Qur'an describes many names, places, and stories of the people of the earlier Prophets, either explicitly or implicitly. Thus the study was conducted to produce a directory of place names mentioned in the Qur'an. However,*

this study only focused on place names on this earth. To achieve the objectives outlined, this study uses text analysis methods with a qualitative approach to identify and categorize the names of these places based on geographical location, history, and the context in which they are used in the verses of the Quran. The results of this study found that there are twenty-seven names of locations narrated in the Quran. It is hoped that the results of this study can provide useful guidance for Qur'anic scholars, historians, and geographers in understanding the significance and historical background of the places mentioned in the Muslim Holy Book. In addition, this research also serves as a useful reference source in further studies of the socio-historical context of Qur'anic verses.

Keywords: *Quran, Thematic Analysis, Directory, Location, Mecca*

Pengenalan

Al-Quran adalah kalam Allah SWT yang merupakan mukjizat yang diwahyukan kepada Nabi Muhammad SAW. Kitab al-Quran ditulis, dimashafkan dan diriwayatkan secara mutawatir, jelas dan tanpa keraguan. Membaca al-Quran walaupun tanpa memahami maknanya adalah satu ibadah (Soenarjo et al, 1412H). Ia adalah satu-satunya mukjizat maknawi Nabi Muhammad SAW. Tidak ada seorang manusia pun yang dapat menandingi al-Quran sama ada dari aspek gaya bahasanya, perkhabarannya tentang perkara ghaib atau pelbagai bentuk aspek-aspek kemukjizatannya. Ini kerana keistimewaan al-Quran mengatasi segala kemampuan manusia.

Al-Quran sebagai mukjizat terbesar yang diturunkan kepada Nabi Muhammad SAW bukan hanya merupakan kitab petunjuk, tetapi juga memiliki banyak aspek kemukjizatan yang dapat dibuktikan melalui berbagai pendekatan, termasuk melalui penyebutan nama-nama lokasi dalam kitab suci ini. Salah satu contoh kemukjizatan ini adalah penyebutan nama-nama lokasi dalam al-Quran yang terbukti memiliki kesesuaian dengan fakta sejarah dan geografi. Misalnya, kisah Nabi Musa dan Bani Israil di Mesir dan Laut Merah, serta penghijrahan Nabi Muhammad dari Mekah ke Madinah, yang mana semua ini tercatat dengan tepat dalam al-Quran dan disokong oleh penemuan arkeologi dan sejarah.

Kepentingan al-Quran sebagai panduan hidup bagi umat Islam tidak hanya terletak pada ajaran-ajaran moral dan etika, tetapi juga pada bagaimana ia mengaitkan sejarah dan lokasi geografi dengan pelajaran hidup. Al-Quran memberikan pelajaran berharga melalui kisah-kisah kaum terdahulu yang dikaitkan dengan tempat-tempat tertentu. Misalnya, kehancuran kaum 'Ad di Al-Ahqaf dan kaum Thamud di Al-Hijr adalah peringatan bagi umat manusia agar tidak mengulangi kesalahan yang sama. Selain itu, penyebutan tempat-tempat seperti Mekah, Madinah, dan Baitulmaqdis dalam konteks yang diberkati menekankan kepentingan spiritual dan keagamaan tempat-tempat ini, yang mana ini memotivasi umat Islam untuk melaksanakan ibadah haji dan umrah serta menziarahi tempat-tempat bersejarah dalam Islam.

Nama-nama lokasi dalam al-Quran tidak hanya berfungsi sebagai latar belakang kisah-kisah nabi dan kaum terdahulu, tetapi juga memperkuat keimanan umat Islam terhadap kebenaran dan keaslian al-Quran. Penyebutan lokasi-lokasi ini memberikan gambaran geografis dan sejarah yang tepat, yang mana ini memperkuat keyakinan bahawa al-Quran adalah wahyu yang diturunkan oleh Allah SWT dengan pengetahuan yang sempurna (Zulkifli al-Bakri, Nov 2023). Contohnya, penyebutan tempat-tempat seperti Mesir, Palestina, dan Hijaz memberikan konteks historis yang relevan dan membantu umat Islam memahami peristiwa-peristiwa yang terjadi pada zaman dahulu dengan lebih baik. Ini juga menunjukkan bagaimana al-Quran

mengintegrasikan sejarah dengan ajaran akhlak dan etika dan memberikan pengajaran yang relevan untuk setiap zaman.

Analisis tematik yang menjadi landasan utama dalam kajian ini pula, merupakan satu usaha akademik yang mengutamakan penelitian tafsir ayat al-Quran secara topikal (Suhaila Abdullah *et al.*, 2015). Tema bermaksud subjek yang menjadi dasar sesuatu perbincangan, wacana, karangan, cerita dan sebagainya (Dewan Bahasa dan Pustaka, 2013). Analisis tematik ialah pendekatan analisis berdasarkan atau bercirikan tema-tema tertentu. Dalam kajian ini analisis tematik merujuk kepada kaedah menganalisis ayat-ayat yang menyebut tentang tempat-tempat sama ada negara, bandar, kota atau penempatan sesuatu kaum.

Pernyataan Masalah

Berhubung dengan lokasi-lokasi dalam al-Quran, penulis mengklasifikasikan kepada dua iaitu:

- i. Lokasi yang didiamkan oleh al-Quran
- ii. Lokasi yang disebut namanya secara jelas

Bagi kedua-dua lokasi sama ada yang disebut secara jelas maupun tidak, ada perbezaan pandangan mufassir dan ahli sejarah tentang kedudukannya yang tepat. Namun perbezaan pandangan ini tidaklah terlalu ketara bagi lokasi yang disebut secara jelas. Dengan kata lain, masih boleh dikombinasikan pendapat-pendapat itu. Contohnya perbezaan pandangan tentang kedudukan Ahqaf yang berkait dengan kisah Nabi Hud dan kaum `Aad. Ramai mufassir yang berpendapat lokasinya ialah di Yaman. Ibn Katsir menspesifikkannya di Hadramaut, Yaman. Qatadah merujuknya kepada kawasan gurun di Yaman yang merupakan tempat tinggal kaum `Aad. Sesetengah ahli geografi Arab mengaitkannya dengan sebuah padang pasir antara Oman dan Hadramaut. Al-Maraghi (t.t) pula berpendapat lembah yang terletak antara Oman dan Mahrah.

Sementara bagi lokasi yang didiamkan oleh Al-Quran, menurut pandangan Dr. Fadhl Hassan Abbas dalam *Itqan fi al-Burhan fi Ulum al-Quran* yang dipetik oleh Syaari Ab Rahman (2019), kajian sejarah dan siasatan arkeologi wajar dijalankan dengan penuh amanah dan kesungguhan. Namun ia perlu dilakukan oleh pasukan pakar dan ahli akademik dalam bidang berkenaan dan bukannya orang awam. Hasil penemuan itu pula, jika mahu dikaitkan dengan nas al-Quran, mestilah tidak bertentangan dengan makna literal nas berkenaan dalam bahasa Arab, tidak bertentangan dengan hadis-hadis sahih dan *marfu`* kepada Rasulullah, tidak bertentangan dengan konteks dan munasabah nas berkenaan serta hasil penemuan benar-benar mencapai tahap “fakta” yang disepakati oleh saintis atau sejarawan yang lain. Mereka yang bukan dalam bidang sejarah bolehlah memilih untuk berpegang pada mana-mana pandangan yang mempunyai dalil yang kuat, menepati ciri-ciri di atas dan bukan mempercayai cerita-cerita kosong yang diada-adakan tanpa pembuktian yang meyakinkan.

Sorotan Literatur

Kajian ini melibatkan beberapa bidang ilmu yang berkaitan. Penulis meringkaskan sorotan literatur berdasarkan tema berikut:

- a. Kajian al-Quran & Tafsir
- b. Kajian Indeks Kosakata
- c. Definisi Tematik al-Quran
- d. Kajian Sejarah & Geografi

Kajian al-Quran & Tafsir

1.	al-Mahalli & al-Suyuti, (1990), Syeikh Abdullah Basmeih (1992)	Memberikan tafsiran secara berurutan menurut kalimat yang disebut di dalam al-Quran. Tafsiran dibuat dengan cara yang singkat. Memudahkan penulis mengetahui nama-nama tempat secara langsung.
2.	Ibn Kathir (t.t), al-Maraghi (t.t), al-Qurtubi (1996), Wahbah al-Zuhaili (2001), al-Mubarakfuri (2012)	Kitab tafsir klasik yang memberikan penghuraian secara lebih detail. Merujuk kepada beberapa kitab tafsir adalah perlu untuk melihat sekiranya ada pandangan yang berbeza tentang lokasi yang dikehendaki.

Kajian Indeks Kosakata

1.	Muhammad Fuad al-Baqi (1986), Majma' al-Lughah al-Arabiyyah (1970), Haji Mustakir (2010).	Boleh dikategorikan sebagai kamus al-Quran yang menyenaraikan kata dasar dan potongan ayat al-Quran serta surah dan ayat sahaja tanpa sebarang tafsir atau penerangan lain.
2.	Zulkifli Mohd Yusoff et. al., (2009), Quraishy Shihab et al., (2007)	Membahaskan tentang kosakata yang terdapat di dalam al-Quran. Penulisan berbentuk glosari ini menyenaraikan makna bahasa sesebuah kalimat di dalam al-Quran termasuklah nama tempat, nama kaum, nama makhluk, nama terbitan atau kata perbuatan.

Definisi Tematik al-Quran

1.	Mustajib & Tutik (2021), Ihsan & Mohamad (2021), Siti Aisyah et.al (2021), Dinni & Fatimah (2021), Nur Afifah & Mohd Nizam (2021), Imaaduddin Abdul Halim (2016).	Merupakan satu pendekatan tafsir bagi menafsirkan al-Quran secara bertema dengan mengumpulkan ayat-ayat yang dikaji.
2.	Najihah et al. (2023)	Satu pentafsiran kontemporari dan mampu mengangkat al-Quran sebagai rujukan masyarakat moden. Walaubagaimanapun masih kurang kajian yang melakukan sorotan literatur mengenai kajian tematik.
3.	Niswatul & Tapa`ul (2022), Muhammad Irfan (2019)	Tafsir tematik dipanggil juga tafsir <i>Maudhu'i</i> . Merupakan tafsir yang lahir dari dinamika keperluan masyarakat untuk memahami al-Quran sesuai dengan tema terbatas tertentu yang mereka kehendaki.

Kajian Sejarah & Geografi

1.	Mohammad Tazammol (2017), Muhammad Najih (2015), al-Maghlouth (2008), H.A Hafizh Ansari (2006), Afzalur Rahman (1993)	Al-Quran bukanlah kitab geografi dan sejarah. Namun ada sebilangan lokasi yang disebut di dalam al-Quran dan juga Hadith.
----	---	---

Metodologi

Kajian ini menggunakan pendekatan kualitatif dengan analisis teks untuk mengenalpasti, mengkategorikan, dan menganalisis nama-nama tempat dalam al-Quran. Data primer diperoleh dari teks al-Quran dan tafsir-tafsir ulama, sementara data sekunder dikumpulkan dari buku-buku sejarah Islam, artikel akademik, dan ensiklopedia geografi. Teknik pengumpulan data melibatkan pembacaan dan analisis ayat-ayat al-Quran yang menyebutkan nama tempat secara eksplisit atau implisit. Ini amatlah penting bagi memastikan data yang dikumpul adalah yang berautoriti meskipun terdapat perbezaan pandangan.

Dapatan Kajian

Signifikansi Nama-Nama Tempat Dalam Al-Quran.

Al-Quran memainkan peranan penting dalam memperkenalkan manusia kepada nama-nama tempat di dunia ini. Melalui penyebutan tempat-tempat tertentu, Al-Quran memberikan konteks sejarah, geografi, dan spiritual yang membantu umat Islam memahami kepentingan lokasi-lokasi ini dalam konteks agama dan sejarah. Berikut adalah beberapa peranan Al-Quran dalam memperkenalkan nama-nama tempat:

1. Menekankan Kepentingan Spiritual dan Sejarah Tempat-Tempat Tertentu

Dalam konteks Islam, spiritual atau kerohanian mempunyai hubungan langsung dengan Allah SWT dan merupakan antara tanda kekuasaanNya sepertimana bulan, bintang, laut dan tumbuhan. Islam amat mengambil berat akan spiritual dan rohani setiap muslim. Allah SWT telah mengaitkan pembangunan, perkembangan dan jatuh bangunnya seseorang malah sesebuah masyarakat dengan hati dan spiritual mereka (Suriati Sudi *et al.*, 2017). Al-Quran menyebutkan beberapa tempat dengan kepentingan sejarah dan spiritual yang besar. Tempat-tempat ini sering kali dikaitkan dengan peristiwa-peristiwa penting dalam sejarah kenabian dan perjalanan umat Islam. Sebagai tamsilannya ialah Mekah dan Madinah. Makkah disebut dalam Al-Quran sebagai tempat yang diberkati dan pusat ibadah haji. Ini menekankan kepentingan Makkah sebagai kota suci bagi umat Islam (lihat : Al-Imran: 96). Madinah pula sebagai tempat hijrah Nabi Muhammad SAW dan menjadi pusat pemerintahan Islam pertama (lihat: Al-Taubah :101).

2. Menunjukkan Keajaiban dan Kebesaran Ciptaan Allah

Dengan menyebut tempat-tempat tertentu, Al-Quran menekankan keindahan dan keajaiban ciptaan Allah. Ini mendorong manusia untuk merenung dan menghargai kehebatan ciptaan Allah serta mempelajari geografi alam semesta. Misalnya seperti Gunung Sinai dan Laut Merah. Gunung Sinai disebut dalam konteks Nabi Musa AS menerima wahyu sekaligus menunjukkan kepentingannya dalam sejarah keagamaan (lihat: Al-Tin : 2). Laut Merah pula disebut dalam konteks peristiwa penyeberangan oleh Nabi Musa dan kaumnya, memperlihatkan mukjizat yang berlaku di tempat tersebut (lihat: Taha : 77).

3. Memberikan Konteks Sejarah dan Pelajaran Moral

Di dalam al-Quran terkandung sejarah yang penting untuk dipelajari oleh umat manusia. Sejarah itu penting bagi manusia sebagai bahan, pembelajaran, pengajaran, dan sarana perkiraan suatu peristiwa yang akan datang. Salah satu cara yang digunakan al-Quran untuk memberi pelajaran bagi manusia adalah dengan menguraikan peristiwa-peristiwa pada masa lalu atau sejarah dalam bentuk kisah-kisah (*al-Qashash*) yang terkandung di dalam surah-surah al-Quran (Muhammad Faiz *et al.*, 2021).

Al-Quran menggunakan nama-nama tempat sebagai latar belakang untuk menceritakan kisah-kisah yang membawa pelajaran moral dan spiritual yang penting. Ini membantu umat Islam memahami sejarah umat manusia dan mengambil iktibar dari peristiwa-peristiwa tersebut. Contohnya kisah kaum 'Ad di Ahqaf dan kaum Tsamud di Al-Hijr. Tempat tinggal kaum 'Ad yang ditimpa azab kerana keingkaran mereka, memberikan pengajaran tentang akibat dari penolakan terhadap ajaran Allah (lihat: Al-Ahqaf : 21). Manakala tempat tinggal kaum Thamud yang dihancurkan kerana keangkuhan mereka, memberikan pengajaran tentang pentingnya ketaatan kepada Allah (lihat: Al-Hijr : 80).

4. Menghubungkan Umat Islam dengan Sejarah Para Nabi dan Umat Terdahulu

Dengan menyebut tempat-tempat tertentu yang berkaitan dengan para nabi dan umat terdahulu, Al-Quran menghubungkan umat Islam dengan sejarah yang lebih luas, mengingatkan mereka tentang perjuangan, mukjizat, dan ajaran para nabi yang diutus sebelum Nabi Muhammad SAW. Misalnya negara Mesir disebut dalam konteks kisah Nabi Yusuf dan Nabi Musa, memperlihatkan sejarah panjang para nabi dan pelajaran dari perjalanan mereka (lihat: Yusuf: 21).

Kesimpulannya, Al-Quran memperkenalkan manusia kepada nama-nama tempat di dunia ini dengan tujuan memberikan pelajaran sejarah, moral, dan spiritual. Tempat-tempat yang disebut dalam Al-Quran bukan sahaja penting dalam konteks sejarah agama tetapi juga dalam memahami keajaiban dan kebesaran ciptaan Allah. Dengan mengkaji ayat-ayat ini, umat Islam dapat menajamkan lagi pemahaman mereka tentang geografi, sejarah, dan pelajaran hidup yang berkaitan dengan tempat-tempat tersebut.

Analisis Tematik Nama-nama Tempat dalam Al-Quran

Berdasarkan kepada penelaahan yang dibuat terhadap kitab suci al-Quran, *Tafsir Jalalain* dan juga *Tafsir Pimpinan al-Rahman* sebagai rujukan utama, dan juga kitab-kitab tafsir yang lain, pengkaji berjaya mengenalpasti dua puluh tujuh nama-nama tempat atau lokasi yang diceritakan di dalam al-Quran. Ianya dikumpulkan dan disusun mengikut kronologi abjad sebagaimana di dalam jadual di bawah:

Jadual 1 : Analisis Tematik Nama-Nama Tempat Di Dalam Al-Quran

BIL	NAMA TEMPAT	SURAH	IMPLISIT/ EKSP LISIT	LOKASI
1	Al-Ahqaf	Al-Ahqaf (46):21		<ul style="list-style-type: none"> - lembah di Yaman (di Hadramaut) (al-Mahalli & al-Suyuti, 1990; Wahbah Zuhaili, 1991) - lembah antara Oman dan Mahrah (al-Maraghi,t,t; al-Maghlouth, 2008) - Padang Pasir antara Oman dan Hadramaut (C.E.Bosworth et al, 1986)
2.	Al-Aikah	Al-Hijr (15):78 Asy-Syuara' (26): 176 Saad (38):13 Qaaf (50):14		Aikah bererti seponon pokok yang rendah terletak berhampiran Madyan (al-Mahalli & al-Suyuti,1990) ; Sayyid Na`imullah: 2001). Madyan terletak di barat laut Hijaz dan ke sebelah selatan pantai Laut Merah dan Teluk Aqabah (Afzalur Rahman:1993).

3.	Antakiah (Antioch)	Yaasin (36):13 Yaasin (36):20	I	Difahami secara implisit. Disebut oleh ahli tafsir ketika menghuraikan maksud “ <i>al-qaryah</i> ” serta “ <i>al-Madinah</i> ” dalam surah Yaasin (al-Mahalli & al-Suyuti (1990). Di Antakiah terdapat raja bernama Antayakhs bin Antayakhs yang menyembah berhala. Diutuskan 3 rasul; Sadiq, Saduq & Syalum namun didustakan (Ibn Kathir:1981). Antakiah adalah antara bandar penting di Utara Syria pada abad 1 era Kristian. Terletak 14 batu dari pantai Mediterranean (<i>Encyclopedia of Islam</i>). Menurut Hamka (1984) Antakiah sekarang berada dalam wilayah Turki, meskipun sebelum ini berada dalam wilayah Syria selepas Perang Dunia 1.
4	Arafah	Al-Baqarah (2) : 198		Terletak pada jarak lebih kurang 75 kilometer sebelah selatan kota Mekah dan kira-kira 22 kilometer dari sebelah tenggara Masjidilharam. Keluasannya adalah kira-kira 10.4 kilometer persegi (Abd. Basit Abd. Rahman, 2008). Ia berada pada ketinggian 750 kaki di atas paras laut dan merupakan kawaan padang pasir yang gersang tanpa tumbuhan sejak berabad lamanya (<i>Ensiklopedia Islam</i> , 2006).
5	Ariha	al-Baqarah (2) : 58 (القرية) al-Rum (30) : 3 (لأرض أدنى ا)	I	Diutarakan oleh ahli tafsir (pandangan yg kedua) ketika mana mentafsirkan maksud “ <i>al-qaryah</i> ” (al-Mubarakfuri, 2012; al-Mahalli & al-Suyuti, 1990). Ariha merupakan kota peradaban yang maju dalam sejarah kuno manusia. Ia sebuah bandar yang tertua yang didiami manusia semenjak 10,000 tahun yang lalu. Terletak 260 m di bawah aras laut dan 36 km di Timur Jerusalem, di jalan yang menghala ke Amman. Merupakan wilayah yang paling rendah di dunia.
6.	Baitul Maqdis	Al-Baqarah (2) : 58 (القرية) Al-`A`raf : 161 (القرية) Al-Mu`minun : 50 (ربوة ذات قرار ومعين)	I	<ul style="list-style-type: none"> - (Al-Baqarah: 58). Menurut Ibn Kathir pendapat yang paling tepat adalah Baitul Maqdis sebagaimana pandangan As-Suddi, Al-Rabi' bin Anas, Qatadah, Abu Muslim al-Asfahani dan lain-lain. Pendapat kedua menyatakan القرية bermaksud negeri ARIHA. - (Al-A`raf : 161). Ada juga yang berpendapat Damsyik atau Palestin, tetapi pendapat yang paling kuat (rajih) ialah Baitul Maqdis sebagaimana yang

				<p>diriwayatkan oleh al-`Aufi daripada Ibn Abbas dan pendapat Al-Dhahhak serta Qatadah (Al-Mubarakfuri, 2012, Jld 6).</p> <p>- Baitul Maqdis atau al-Quds merupakan kota suci yang terletak di negeri Palestin. Dari sudut lokasinya hari ini, ia terletak di garis menegak 35.13 barat garisan Meridian dan di garis melintang 31.52 ke utara garisan Meridian. Ia berada di 750 atas permukaan Laut Mediterranean dan sekitar 1150 meter dari permukaan Laut Mati. Baitul Maqdis terletak lebih kurang 52 kilometer dari Laut Mediteranean, 22 kilometer dari Laut Mati dan 250 kilometer dari Laut Merah (Wahbah al-Zuhaili, 2001: 5).</p>
7	Bakkah/ Mekah	<p>Ali Imran : 161 (بكة)</p> <p>Al-Baqarah (2) : 126 (هذا بلدا)</p> <p>Ibrahim (14) : 35 (البلد)</p> <p>Al-Naml (27) : 91 (البلدة)</p> <p>Al-Qosos (28) : 5, 9, 39 (أرضنا)</p> <p>Al-Syura (42) : 7 (أم القرى)</p> <p>Al-Fath (48) : 24 (مكة)</p> <p>Al-Tin (95) : 3 (البلد الأمين)</p>		<p>Nama yang digunapakai oleh al-Quran ialah Bakkah, Makkah, Ummul Qura, al-Balad al-Amin, Haraman Amamina, Maad dan al-Qaryah (Salawati Haris, 2009).</p> <p>Ada yang berpendapat Bakkah adalah nama asal Mekah. Bakkah membawa maksud “sempit” (narrow) bagi menjelaskan kedudukan Mekah itu sendiri yang terletak di antara gunung-gunung yang menjadikannya sebagai lembah (Cyrill Glasse, 1989). Ummul Qura pula bermaksud bumi yang dibentangkan kejadiannya dari bawahnya, menjadi pusat bumi dan berada di tengah-tengah dunia. Haraman Amina bererti tanah yang haram lagi aman. Maad bererti tempat kembali, manakala al-Qaryah diumpamakan sebagai sebuah negeri yang aman, tenteram dan pusat rezeki yang melimpah ruah (Salawati Haris, 2009).</p> <p>Dari sudut geografinya, Mekah terletak kira-kira 330 meter di atas permukaan laut, 39⁰28’ Bujur Timur dan 21⁰27’ Lintang Utara. Ia merupakan lembah kering yang dikelilingi gunung-gunung karang yang tandus. Panjang lembah itu dari barat ke timur lebih kurang 3 km, lebar dari utara ke selatan lebih kurang separuhnya. Di sebelah timur, lembah itu dibentengi oleh Gunung Abu Qubais; di sebelah selatan dibatasi oleh Gunung Abu Hadidah dan Gunung Khundamah; sedangkan di sebelah utara dibatasi oleh Gunung al-Falj, Gunung Qaiqa’an, Gunung</p>

				Hindi, Gunung Lu'lu' dan Gunung Kada yang merupakan gunung tertinggi (Drs. H.A Hafizh Anshari et al, 2006 : 124). Mekah dianggap pusat bumi dimana ia berada di tengah-tengahnya. Ia mempunyai tiga pintu masuk, iaitu al-Malah, al-Masfalah dan al-Syubaikah (Abd. Basit Abd. Rahman, 2008)
8	Babil/ Babylon	Al-Baqarah (2):102		Sebuah negeri yang terletak di selatan Iraq. Digelar " <i>sawad al-Iraq</i> " (bahagian hitam Iraq) kerana tanahnya subur untuk pertanian (www.marefa.org ; al-Mubarakfuri, 2012; al-Maraghi, t.t.)
9	Badr	Ali-Imran (2): 123		Sebuah tempat di wilayah Madinah di barat Arab Saudi. Menurut al-Mahalli & al-Suyuti (1990), ia adalah sebuah tempat yang terletak antara Mekah dan Madinah. Jaraknya dari Madinah lebih kurang 155km manakala dari Mekah 310km dan dari Saif al-Bahr, 45 km. (al-Baladi, t.t). Tempat berlakunya Perang Badar (Rusydi Ramli al-Jauhari, 2012).
10	Hijr	Al-Hijr (15) : 80		Nama perkampungan kaum Tsamud (kaum Nabi Saleh) yang berada di Semenanjung Arab (Al-Damaghani, 1970). Dinamakan "al-Hijr" kerana mereka menjadikan gunung ganang batu itu tempat kediaman (al-Sa`di, 2001). Menurut al-Maghlouth (2008), al-Hijr merupakan tanah yang subur. Dari aspek geografinya ia terletak antara Syam (Syria) dan Yaman. Faktor geografi membolehkan mereka hidup dalam keadaan kaya raya dan makmur. Kepakaran kaum Tsamud ialah memahat batu pergunungan dan dijadikan tempat tinggal. Mereka juga pandai mengolah tanah datar dan mengubahnya menjadi istana (al-A`raf:74).
11	Hunain	Al-Taubah (25):9		Iaitu sebuah lembah yang terletak antara Mekah dan Taif. (al-Mahalli & al-Suyuti, 1990) dimana telah berlakunya Perang Hunain di situ pada bulan Syawal tahun ke6H. Dalam perang tersebut tentera Islam telah diserang hendap menyebabkan ramai yang melarikan diri kecuali Rasulullah SAW dan sebahagian kecil sahabat Baginda yang bertahan menentang musuh (Sheikh Abdullah Basmeih, 1992).
12	Iram	Al-Fajr (89) : 7 (ارم ذات العمداد)		Iram adalah sebuah bandar yang telah pun wujud beribu tahun sebelum pengutusan Nabi Isa di selatan Tanah Arab.

				<p>Kemungkinannya di wilayah Oman (Mohammad Yasin Onwards, 2003). Ahli purbakala berdasarkan penelitian mereka berpendapat kota Iram terletak di gunung Ram, kira-kira 25 batu dari `Aqabah. Di sisi gunung tersebut terdapat peninggalan jahiliah kuno (` Afif Abdulah, 1989:124). Al-Maraghi (t.t) pula berpendapat Iram merujuk kepada kaum `Ad itu sendiri yang berasal dari keturunan `Aus bin Iram bin Sam bin Nuh a.s yang tinggi fizikalnya. Mereka ini tinggal di bukit-bukit pasir dekat Hadramaut bersempadan dengan negeri Yaman. Dari sudut kajian arkeologi, misteri kewujudan kota Iram –yang mana dianggap oleh ramai ahli sejarah sebagai kota yang tidak pernah wujud- dikatakan terbongkar apabila pihak NASA telah mengesan trek padang pasir purba. Perkataan “Iram” telah ditemui dalam proses penggalian tapak purba di Syria yang mana menunjukkan bahawa penduduk Iram pernah menjalinkan hubungan perdagangan dengan penduduk Syria. Pada tahun 1973, telah dilakukan proses pencarigalian di bandar Ebla, Syria. Dalam penggalian tersebut para penyelidik telah menemui di perpustakaan Ebla, rekod semua bandar-bandar yang berurusan dengan Ebla. Termasuk dalam senarai tersebut ialah kota Iram. Ini secara tidak langsung membuktikan kewujudan sebuah kota yang bernama Iram (Mohammad Yasin Owadally, 2003 : 46). Walau bagaimanapun, catatan Ghassan Taha Yaseen (2011), kejayaan NASA mencaripadang pasir purba itu berlaku pada tahun 1992.</p>
13	Judi	Hud (11) : 44 (الجودي)		<p>Al-Quran menyebutkan Judi sebagai tempat terdamparnya bahtera Nabi Nuh a.s selepas berlakunya banjir besar yang menenggelamkan kaumnya yang tidak beriman. Menurut Harun Yahya (2003), perkataan Judi pada amnya merujuk kepada kawasan pergunungan tertentu. Yaqut al-Hamawi sebagaimana yang dipetik oleh al-Maghlouth (2011), berpendapat Judi adalah nama satu gunung yang terhampar di Jazirah Ibnu Umar. Gunung ini berada di timur Sungai Tigris di wilayah Mosul (utara Iraq). Pandangan yang hampir sama dengan</p>

				al-Mahalli & al-Suyuti, (1990) iaitu sebuah bukit di Semenanjung Tanah Arab; berhampiran Mosul. Terdapat juga sekumpulan penyelidik yang mendakwa mereka telah menemui sisa bahtera nabi Nuh a.s di sempadan antara Iraq dan Turki. Lebih tepat lagi lokasinya ialah lebih kurang empat kilometer ke atas Gunung Ararat, Turki (Ghassan Taha Yaseen, 2011).
14	Laut Merah	Al-Syua'ara' (26) : 63 (البحر) Al-Dukhan (44) : 24 (البحر) Yunus (10) : 90 (البحر)	I	Laut Merah merupakan sebuah teluk di Lautan Hindi dan terletak di antara benua Afrika dan Asia. Ia hampir bercantum di Teluk Aden dengan Bab el Mandeb. Di utaranya ialah Semenanjung Sinai, Teluk Aqaba, Terusan Suez. Laut Merah bertemu dengan Mesir, Sudan dan Eritrea di sebelah barat, manakala di sebelah timurnya ialah Arab Saudi dan Yaman. Luas Laut Merah ialah sekitar 450,000 meter persegi. Panjangnya 1900 kilometer dan lebarnya lebih 300 meter. Kedalaman laut mencapai 2500 meter di bahagian tengah. Purata dalam laut ini ialah 500 meter (http://www.wikipedia.org/wiki/laut.merah).
15	Madinah	Al-Taubah (9) : 101 (ومن اهل المدينة) Al-Taubah (9) : 120 (لأهل المدينة) Al-Ahzab (33) : 60 (المدينة) Al-Munafiqun (63) : 8 (المدينة) Al-Hasyr (59) : 9 (الدار) Al-Ahzab (33) : 13		Madinah bererti 'bandar' atau 'kota' dimana terletaknya Masjid Nabawi serta makam Nabi SAW. terletak di bahagian barat laut Semenanjung Arab. Ia berada 275 kilometer dari Laut Merah serta terletak di sebuah lembah yang subur. Madinah bersempadan dengan Bukit Air di sebelah selatan; Bukit Uhud dan Sur di sebelah utara dan gurun pasir Harah di sebelah timur dan barat. Selain daripada Yatsrib, Madinah juga mempunyai nama lain seperti <i>Taba</i> , <i>Tayyibah</i> , <i>Qaryah al-Ansar</i> , <i>al-'Asimah</i> , <i>al-Mubarakah al-Mukhtarah</i> , <i>Bait Rasul Allah</i> , <i>Dar al-Akhyar</i> , <i>Dar al-Sunnah</i> , <i>Dar al-Salam</i> dan <i>Dar al-Haram</i> . Walau bagaimanapun ia lebih terkenal dengan al-Madinah al-Munawwarah (H.A Hafizh Anshari et al., 2006).
16	Madyan	Al-Qosos (28) : 22, 23 (مدین) Al-Ankabut (29) : 36 (مدین)		Madyan ialah sebuah negeri yang terletak di barat laut Hijaz dan ke sebelah selatan pantai Laut Merah dan Teluk Aqabah serta terbentang ke sebahagian Semenanjung Sinai. Menurut Ibn Kathir (t.t), bandar Madyan berasal daripada nama sebuah kampung yang terletak di Ma'an iaitu

				berdekatan dengan Syam. Perkampungan Madyan berhampiran dengan bekas perkampungan kaum Lut a.s. Penduduk Madyan pula muncul tidak lama selepas kaum Lut dimusnahkan.
17	Marwah	Al-Baqarah (2): 158 (مروة)		Marwah ialah sebuah bukit kecil yang terbina daripada batu api atau geretan iaitu sejenis batu putih yang keras. Ia terletak kira-kira 300m ke arah timur laut dari Rukun Syami di Kaabah. Bukit Marwah menjadi tanda tempat berakhirnya sa'i di sebelah utara dan merupakan salah satu daripada syiar-syiar haji (tempat melakukan ibadah haji). Marwah juga merupakan bukit kedua tempat Siti Hajar ibu Nabi Ismail berlari-lari mencari air, sebelum terbitnya telaga zam-zam. (Abd Basit Abd Rahman, 2008). Jarak antara Marwah dan Safa ialah lebih kurang 420 meter.
18	Masy`ar al-Haram	Al-Baqarah (2) : 198 (مشعر الحرام)		Ada dua pandangan; setiap tempat di Muzdalifah (tempat mengutip batu untuk Jemaah haji melontar) dan keduanya ia terletak antara dua gunung. Perkataan <i>al-Masy`ar</i> diambil daripada <i>al-Syi`ar</i> yang bermaksud "alamat" atau "tanda". Tempat ini dinamakan sedemikian kerana ia merupakan salah satu daripada amalan haji, dan disifatkan dengan <i>al-Haram</i> kerana kedudukannya yang berada di dalam Tanah Haram. Tidak boleh dilakukan sesuatu perkara yang tidak diizinkan padanya. (Tarikh al-Qawim 5/315). Juga untuk membezakan dengan Arafah yang merupakan masy`ar (tempat ibadah haji) yang berada di luar Tanah Haram.
19	Mesir	Al-Baqarah (2): 61 (مصر) Al-A`raf (7):127 (في الأرض) Yunus (10) : 87 (مصر) Yusuf (12) : 21 (الأرض, مصر) Yusuf (12) : 82 (القرية) Yusuf (12) : 99 (مصر) Al-Qosos (28) : 5, 19, 39 (الأرض)		Sebuah negara yang terletak di Asia Barat atau Timur Tengah. Ia terletak di kawasan timur laut Benua Afrika di mana termasuk di antara negeri-negeri di kawasan Laut Mediterranean. Menurut Mahayuddin Yahaya (1986) <i>Misr</i> yang disebut dalam al-Quran ialah negeri Mesir yang ada sekarang.

		Al-Zukhruf (43):51 (مصر) Al-Fajr (89) : 11 (البلد)		
20	Palestin	al-Maidah (5) : 21 (الأرض المقدسة)	I	Al-Quran menyebutnya sebagai <i>al-ard al-muqaddasah</i> atau bumi yang suci (Sheikh Abdullah Basmeih, 2002). Palestin dahulunya adalah sebahagian daripada negeri Syam selain daripada Lubnan, Syria dan Jordan. Ia bersempadan dengan laut Mediterranean dan terletak di barat benua Asia. Palestin dianggap titik pertemuan antara Asia dan Afrika dan berdekatan dengan benua Eropah. Bahagian utara Palestin bersempadan dengan Lubnan, manakala Syria di timur laut, Jordan di timur dan Mesir di selatan. Palestin berada di kawasan yang beriklim mediteranean.
21	Saba'	Saba' (22) : 15 (سباء) Al-Naml (27) : 22 (سباء) Al-Naml (27) : 37 (ولنخرجنهم منها)		Saba' yang disebutkan dalam al-Quran adalah sebuah bandar di Yaman. Ia merujuk kepada zaman Nabi Sulaiman dan Ratu Balqis iaitu sekitar abad pertama BC (Ghassan Taha Yaseen, 2011). Kerajaan Saba' merangkumi Yaman, sebahagian besar Hadramaut dan negeri Mahrah dan kemungkinan sebahagian Abbysinia sekarang ini.
22	Sadum	Al-Hijr (15) : 67 (اهل المدينة) Al-Anbiya' (21) : 74 (القرية) Al-Ankabut (29) : 31 (أهل هذه القرية) Al-Ankabut (29) : 34 (أهل هذه القرية) Al-Furqan (25) : 40 (القرية)	I	Perkataan Sadum tidak disebut secara eksplisit dalam kelima-lima ayat. Walau bagaimanapun ahli tafsir berpandangan maksud <i>al-Madinah</i> dan <i>al-Qaryah</i> dalam ayat ialah Sadum (al-Sabuni, 1981; Ibn Kathir, 1984; Sayyid Qutb, 1986). Bandar Sadum merupakan bandar tempat tinggal Nabi Lut a.s.serta kaumnya yang terletak di bahagian utara Laut Merah dan dipercayai telah dimusnahkan. Kajian-kajian arkeologi mendapati bahawa bandar ini terletak di kawasan Laut Mati sepanjang sempadan Israel-Jordan (Harun Yahya, 2013 : 43).
23	Safa	Al-Baqarah (2) : 158 (الصفى)		Safa merupakan sebuah bukit kecil yang terletak lebih kurang 130 meter di bahagian selatan (agak ke kiri) dari Masjidilharam. Di sinilah tempat yang disyariatkan sebagai permulaan ibadah sa'i (Abd Basit Abd. Rahman, 2008).
24	Syam	Al-A`raf (7) : 137 (مشارك الأرض)	I	Lafaz <i>Syam</i> tidak disebut secara lafziah. Ia merujuk kepada pandangan ahli tafsir dalam

		Al-Anbiya' (21) : 71 (الأرض) – Jalalain : Syam		menjelaskan maksud <i>al-ardh</i> dalam kedua-dua ayat di atas. Syam ialah daerah yang disebut juga sebagai Mesopotamia. Ianya terbentuk daripada beberapa buah negara yang pada hari ini menjadi Syria yang berpusat di Damsyik, Lubnan yang berpusat di Beirut, Jordan yang berpusat di Amman serta seluruh negara Palestin (al-Baladi, 1982).
25	Sungai Syariat	Al-Baqarah (2) : 249 (نهر)	peperangan antara Thalut dan Jalut	Menurut Ibn Abbas dan ulama lain sungai tersebut ialah sungai Syariah yang terletak antara Jordan dan Palestin (Al-Tabari,1995; Salahuddin Abdullah & Omar Khalid, 2009).
26	Tursina	Al-Baqarah (2) : 63, 93 (الطور) Maryam(19):52 (من جانب الطور الأيمن (Al-Qosos (28) : 46 (بجانب الطور) Al-Thur (52) : 1 Al-Tin (95) : 2 (و طور سينين)		Bukit Thursina adalah tempat Nabi Musa menerima wayhu daripada Allah, manakala perkataan <i>سنين</i> membawa maksud yang diberkati atau dilimpahi dengan pepohon yang berbuah (Wahbah Zuhaily, 2001; Hamka, 1984). Perkataan <i>Thur</i> (طور) membawa maksud bukit yang ditumbuhi pokok-pokok dan sifatnya lebih rendah daripada gunung.
27.	Thuwa	Toha (20) : 12 (الوادى المقدس طوى) Al-Nazi`at (79) : 16 (الوادى المقدس) طوى		Lembah Thuwa terletak di lereng Bukit Thursina tempat Nabi Musa menerima wahyu daripada Allah SWT. Tempat ini terletak dalam wilayah Mesir . Lafaz . Thuwa (طوى) bererti suci dan bukit itu adalah suci. Jadi lafaz <i>الوادي المقدس طوى</i> bererti ia suci dan disucikan (Hamka,1984). Menurut al-Zamakhshyari (1995) pula ia merupakan nama bagi sebidang tanah, tempat atau lembah yang terletak di wilayah Syam. Menisbahkan Thuwa sebagai nama lembah bagi Ibn Kathir adalah pandangan yang lebih tepat (Al-Mubarakfuri, Jld 5:710).

*I : implisit

Sumber : Juriah Mohd Amin, (2024)

Kesimpulan

Melalui pendekatan kualitatif dan analisis teks, kajian ini telah berhasil mengidentifikasi nama-nama tempat, baik yang disebut secara langsung maupun metaforis. Pengetahuan yang dihasilkan dari kajian ini tidak hanya memperkaya tafsir al-Quran tetapi juga menyediakan sumber rujukan berharga bagi pengkaji sejarah dan geografi Islam. Keseluruhannya, analisis tematik ini memperkuat hubungan antara al-Quran dengan realiti sejarah dan geografi, sehingga memberikan wawasan yang lebih mendalam dan holistik bagi para pengkaji dan umat Islam secara umum.

Rujukan

- `Afiq Ghais al-Baladi. (1982). *Mu`jam al-ma`alim al-jughrafiyyah fi al-sirah al-nabawiyyah*. Makkah Al-Mukarramah : Dar Makkah.
- Abdul Basit Abd Rahman. (2008). *Makkah al-mukarramah kelebihan dan sejarah*. Kuala Lumpur : Telaga Biru Sdn. Bhd.
- Afzalur Rahman. (1993). *Ensiklopedia sirah*. Jilid III, Kuala Lumpur : Dewan Bahasa dan Pustaka.
- Ahmad Mustafa al-Maraghi. (t.t). *Tafsir al-maraghi*. Beirut : Dar Ihya' al-Turath al-`Arabi
- Al-Qurtubi, Abu Abdillah Muhammad bin Ahmad al-Ansari. (1996). *Al-Jami` li ahkam al-Qur'an*, Kaherah : Dar al-Hadith.
- Al-Sabuni, Muhammad `Ali, (1981). *Safwah al-tafasir*. Beirut : Dar al-Qur'an al-Karim.
- C.E Bosworth, E., Van Danzel, B. Lewis, Ch. Pellat. (1986). *The Encyclopedia of Islam*. Netherland, Leiden : E.J Brill.
- Cyrill Glasse. (1989). *The concise encyclopedia of Islam*. London :Stacey International
- Dinni Nazhifah & Fatimah Isyti Karimah. (2021). Hakikat tafsir maudhu'i dalam al-Qur'an. *Jurnal Iman dan Spritualitas*, 1(3), 368-376. <http://dx.doi.org/10.15575/jis.v1i3.13033>
- Ensiklopedia Islam* . (2004). Kuala Lumpur : Dewan Bahasa dan Pustaka.
- Ghassan Taha Yaseen. (2011). Quran and archeological discoveries : Evidence from the near East. *World Journal of Islamic History And Civilization*, 1 (3) : 201-212.
- Haji Mustakin. (2010). *Indeks al-Quran panduan mencari ayat al-Quran*. Kuala Lumpur: Pustaka Jiwa Sdn. Bhd
- Hamka. (1977). *Fakta-fakta dari tafsir al-azhar*, Juz 1-30, Johor Bharu : Badan Cemerlang Sdn. Bhd.
- Harun Yahya. (2003). *Kaum-kaum yang pupus*, Kuala Lumpur : Saba Islamic Media.
- Ibn Kathir, Abi al-Fida' Ismail. (t.t). *Tafsir Ibn Kathir*, Jilid 4, Beirut : Dar al-Fikr.
- Ibn Kathir, Abu Al-Fida' Al-Hafiz Ismail. (2005). *Sejarah tamadun Islam*, Kuala Lumpur : Dewan Bahasa dan Pustaka.
- Ihsan Nursidik & Muhammad Erpian Maulana. (2021). Tinjauan kritis terhadap metode tafsir maudhu'i. *Jurnal Iman dan Spritualitas*, 1(4). 423-428. <https://doi.org/10.15575/jis.v1i4.13015>.
- Imaduddin b. Abdul Halim. (2016). *Analisis tematik tafsiran ayat al-Quran berkaitan penjagaan alam sekitar*. (Tesis PhD yang tidak diterbitkan). Universiti Sains Malaysia, Pulau Pinang
- Jalaluddin Muhammad Ahmad al-Mahalli & Jalaluddin Abdul Rahman Abi Bakr al-Suyuti. (1990). *Tafsir al-imamain al-jalilain*. Beirut : Dar Ibn Kathir.
- Mahayudin Hj. Yahaya. (1986). *Ensiklopedia sejarah Islam*. Bangi : Penerbit Universiti Kebangsaan Malaysia.
- Mohammad Yasin Owadally. (2003). *The great book of miracles*. Kuala Lumpur : A.S Noordeen.
- Muhammad Faiz, Ufies Marizqa Rosyanda, Zainiah & M. Ferdi Nur Saputro (2022). Kepentingan sejarah fungsi dan hikmahnya dalam al-Quran. *Advances in Humanities and Contemporary Studies*, Vol. 2, No. 2 (2021), 85-96. <https://publisher.uthm.edu.my/periodicals/index.php/ahcs/article/view/5161>
- Muhammad Fuad Abdul Baqi. (1986). *Al-Mu`jam al-mufahras li alfaz al-Qur'an*. Dar Al-Fikr.
- Muhammad Najih. (2015). *Nama-nama wilayah dalam al-Quran*. (Skripsi yang tidak diterbitkan). UIN Sunan Kalijaga, Yogyakarta

- Mustajib Daroini & Tutik Hamidah. (2021). Musibah dalam perspektif al-Qur'an (Pendekatan tafsir maudhu'i). *Journal of Qur'an and Hadith Studies*, 10(2). 203-222. <https://doi.org/10.15408/quhas.v10i2.19829>
- Nur Afifah Abas & Mohd Nizam Sahad. (2021). A comparative study between reflexive thematic analysis in social sciences and qur'anic thematic analysis in qur'anic sciences. *Ma'ālim al-Qur'ān wa al-sunnah*, 17(2), 1-25. <https://doi.org/10.33102/jmqqs.v17i2.326>
- Quraish Shihab, Sahabuddin, Yusuf Baihaqi, Irfan Mas'ud Abdullah & Salim Rusdi Cahyono. (2007). *Ensiklopedia al-Quran A-J*. Jakarta : Lentera Hati
- Salahuddin Abdullah & Omar Khalid. (2009). *Tafsir mubin*, Kuala Lumpur : Dewan Bahasa dan Pustaka.
- Salawati Haris. (2009, November). Tanah haram & sejarah Makkah. *Majalah Milenia*, 1430 Zulkaedah-Zulhijjah, Thn. 7 Bil 87
- Sami Abdullah al-Maghlouth. (2011). *Atlas sejarah para nabi & rasul*. Jakarta Timur: Penerbit Al-Mahira
- Sayyid Qutb. (2010). *Tafsir fi zilalil Qur'an*. (terj: Dato' Yusoff Zaky Haji. Yaacob). Kuala Lumpur : Pustaka Darul Iman Sdn. Bhd.
- Shauqi Abd Khalil. (t.t). *Atlas of the Quran*. New York: Darussalam. <https://masjidtaqwa.org/pdfs/Atlas-of-The-Quran.pdf>
- Siti Aisyah Yusof, Noor Syahidah Mohamad Akhir, Muhammad Saiful Islami Mohd Taher & Azrul Shahimy Mohd Yusof. (2021). Tafsir tematik: Istilah al-fulk dalam al-Quran. *Voice of Academia*, 17(2), 25–37. <https://ir.uitm.edu.my/id/eprint/49992>.
- Soenarjo R.H.A., T.M Hasbi Ashshiddiqi, H. Bustami A. Gani, H. Muchtar Jahya, H.M Toha Jayha Omar, H.A. Mukti Ali, Kamal Muchtar, H. Gazali Taib, K.H.A Musaddad, K.H. Ali Maksum & Busjairi Madjidi. (1412H). *Al-Quran dan Terjemahannya*. Medinah Munawwarah: Percetakan Kerajaan Saudi Arabia.
- Suhaila Abdullah. (2015). *Tafsir maudhu'iy ilmu dan tamadun*. Kuala Lumpur: Dewan Bahasa dan Pustaka.
- Suriani Sudi, Fariza Md Syam & Phayilah Yama. (2017). Spiritual di dalam al-Quran: Konsep & konstruk, *Al-Irsyad: Journal of Islamic and Contemporary Issues*, 2(1), 59–72. <https://doi.org/10.53840/alirsyad.v2i1.26>
- Syaari Ab Rahman. (2019). *Di bawah teduhan kisah-kisah al-Quran*. Selangor: Paradigma Ibrah Sdn. Bhd.
- Syaikh Shafiyurrahman al-Mubarakfuri (penyusun). (2012). *Shahih tafsir Ibn Katsir*, Jakarta : Pustaka Ibnu Katsir.
- Wahbah Al-Zuhaili. (2001). *Tafsir al-munir*, Persatuan Ulama Malaysia dan Kuala Lumpur : Intel Multimedia And Publication.
- Wahbah Az-Zuhaili. (2001). *Baitul Maqdis (Al-Quds) antara kelebihan dan kezaliman zionis*, Kuala Lumpur : Al-Hidayah Publishers.
- Zulkifli al-Bakri. (2023, 22 Nov). Hikmah kisah al-Quran. <https://bukudrzulkifli.com/4379-hikmah-kisah-al-quran/>
- Zulkifli Haji Mohd Yusoff, Abdul Rashid Ahmad, Fauzi Deraman, Ishak Suliaman, Mustaffa Abdullah, Faisal Ahmad Shah, Mohd Asmadi Yakob, Munirah Abd Razak & Anwar Ridhwan Zakaria. (2009). *Kamus al-Quran*. Selangor: PTS Islamika Sdn Bhd